



Broj: 01-04-8-1162/24-4
Datum: 16.10.2024. godine

Na osnovu člana 69. stav 2. tačka a), člana 70. stav 40. Zakona o javnim nabavkama BiH („Službeni glasnik BiH“, broj 39/14, 59/22 i 50/24), člana 39. Statuta Općine Travnik ("Službene novine Općine Travnik", broj 11/05 - Prečišćeni tekst), a u vezi s preporukom Komisije za javne nabavke broj: 01-04-8-1162/24-3 od 16.10.2024. godine, načelnik Općine Travnik, **d o n o s i**

R J E Š E N J E

o poništenju postupka nabavke

- (1) Poništava se postupak nabavke broj 01-04-8-1162/24 za nabavku radova: "Izvođenje radova na sanaciji i uređenju objekata na području općine Travnik" za sljedeće lotove:
 - **LOT 1 – Izvođenje radova na završetku izgradnje spomenika ARBiH**, iz razloga što nije dostavljena nijedna ponuda u određenom krajnjem roku;
 - **LOT 2 - Izvođenje radova na sanaciji stambene jedinice za potrebe prihvatne stanice JU Centar za socijalni rad**, iz razloga što nije dostavljena nijedna ponuda u određenom krajnjem roku.
- (2) Za izvršenje ovog Rješenja zadužuje se Služba za infrastrukturne projekte, obnovu, izbjeglice, raseljena lica i stambene poslove.
- (3) Ovo Rješenje objavit će se na web-stranici Općine Travnik, shodno članu 70. stav 6. Zakona o javnim nabavkama.

O b r a z l o ž e n j e

Postupak javne nabavke radova: "Izvođenje radova na sanaciji i uređenju objekata na području općine Travnik", pokrenut je Rješenjem o pokretanju postupka javne nabavke broj: 01-04-8-1162/24 od 23.9.2024. godine. Javna nabavka provedena je putem otvorenog postupka nabavke. Ukupna procijenjena vrijednost javne nabavke bez uračunatog PDV-a iznosi 19.402,00 (LOT 1 6.581,00 KM, LOT 2 -12.821,00 KM)

Postupak je objavljen u Informacionom sistemu „E-nabavke“ Agencije za javne nabavke BiH – broj obavještenja: 54-1-3-152-3-167/24 od 25.9.2024. godine i u „Službenom glasniku BiH“ broj 65/24. Rok za dostavljanje ponuda u skladu sa tenderskom dokumentacijom bio je 16.10.2024. godine.

Komisija za javnu nabavku imenovana je Rješenjem broj: 01-30-10-747/24 od 19.6.2024. godine te je shodno Članu 63. Zakona o javnim nabavkama BiH („Službeni glasnik BiH“ broj 39/14 i 59/22) pristupila javnom otvaranju ponuda.

Komisija za nabavke Općine Travnik dostavila je dana 16.10.2024. godine općinskom načelniku Zapisnik o radu Komisije i ocjeni ponuda koji je ujedno i izvještaj o radu Komisije sa preporukom o poništenju postupka nabavke u kojem je konstatovano da za predmetnu nabavku, nije pristigla nijedna ponuda u određenom krajnjem roku.

U postupku ocjene provednog postupka, načelnik Općine nije našao razloge, nepravilnosti niti propuste u radu, koji bi bili osnov za neprihvatanje preporuke Komisije za javnu nabavku.

U postupku je utvrđeno da je Komisija u svemu pravilno postupila, te da je preporuka o poništenju postupka data u skladu sa Zakonom, podzakonskim i internim aktima.

Iz navedenih razloga, primjenom člana 69. stav (2) tačka a) Zakona o javnim nabavkama BiH, odlučeno kao u dispozitivu ovog Rješenja.

POUKA O PRAVNOM LIJEKU:

Protiv ovog Rješenja može se izjaviti žalba Uredu za razmatranje žalbi BiH putem Ugovornog organa, u pisanoj formi, najkasnije u roku od 10 (deset) dana od prijema istog. Naknada za žalbu je propisana članom 108. Zakona o javnim nabavakama. Žalba se podnosi u dovoljnom broju primjeraka, koji ne može biti manji od tri.

Obradila: Aida Kavazović, dipl.iur.

DOSTAVITI:

1. Internet stranica UO
2. Arhiva



НАЧЕЛНИК
dr.sci. Kenan Dautović